



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr.446/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Ferki Xhaferi kryesuese, Adnan Konushevci dhe Faton Ademi anëtarë, me pjesëmarrjen e zyrtares ligjore Gentiana Krasniqi, duke vendosur lidhur me ankesën e subjektit politik Lëvizjes Vetëvendosje (LVV), dega në Therandë, paraqitur kundër subjektit politik Aleanca për Ardhmërinë e Kosovës (AAK), me seli në Prishtinë, për shkak të vendosjes së billboardit në afërsi prej 100 metrave nga ndonjë Qendër e Vendvotimit, për Zgjedhjet e Parakohshme për Kuvendin e Republikës së Kosovës, që do të mbahen më datë 14.02.2021, në seancën e panelit të mbajtur më datë 15.02.2021, mori këtë:

V E N D I M

Refuzohet e pabazuar ankesa e subjektit politik Lëvizjes Vetëvendosje (LVV), Anr.446/2021 e datës 14.02.2021, me të cilin ka kërkuar që subjektit politik Aleanca për Ardhmërinë e Kosovës (AAK), t'i shqiptohet gjobë, për shkak të shkeljes së Kodit të Mirësjelljes- vendosjes së billboardit me përmbajtje elektorale të kandidatës për deputete Albena Reshitaj, në ditën e votimit në një perimetër më afër se 100 metra, distancë nga Qendra e Votimit, edhe në ditën e votimit.

A r s y e t i m

Parashtruesi i ankesës, subjekti politik Lëvizja Vetëvendosje (LVV), me seli në Prishtinë, me datën 14.02.2021, ka parashtruar ankesë në PZAP, me të cilën pretendohet se me datë 14 shkurt 2021 rreth orës 10:30, në afërsi të gjimnazit “Jeta e Re” është i vendosur një billboard me përmbajtje elektorale e kandidatës për deputete nga subjekti politik Aleanca për Ardhmërinë e Kosovës konkretisht kandidatës për deputete Albena Reshitaj. Si dëshmi ankesës i ka bashkangjitur një foto të printuar ku shihet billboardi i kandidatës Albena Reshitaj.

Më këtë rast pretendohet se një gjë e tillë bie ndesh me nenin 36 par.1, pika b) të Ligjit për Zgjedhjet e Përgjithshme, dhe nenin 8 par.1 pika c) të Rregullës Zgjedhore nr.13/2013 të cilat qartazi parashohin se 24 orë para zgjedhjeve, të gjitha materialet/posteret propagandistike duhet të hiqen ne rast se ndodhen në afërsi prej 100 metrave nga ndonjë Qendër e Vendvotimit.

PZAP-i, në kuptim të nenit 7 par.1 të Rregullave dhe Procedurave të PZAP-it e informoi subjektin politik Aleanca për Ardhmërinë e Kosovës (AAK) lidhur me ankesat e paraqitura nga subjekti politik Lëvizja Vetëvendosje duke kërkuar që të përgjigjet ndaj ankesës deri më datë 15.02.2021 në ora 08:30.

Sipas afatit të caktuar, PZAP- i me datë 15.02.2021 mori përgjigjen e kërkuar nga subjekti politik Aleanca për Ardhmërinë e Kosovës (AAK) i cili subjekt në përgjigjen në ankesë e ka kundërshtuar si të pabazuar ankesën e parashtruar nga ana e subjektit politik Vetëvendosje

duke theksuar se fotografia e paraqitur si provë është vendosur në vendin e dedikuar për vendosjen e postereve, i cili edhe më herët ka shërbyer si hapësirë reklamuese. Në fotografimin e paraqitur si provë shihet vetëm posteri ndërsa nuk mund të shihet qendra e postimit gjimnazi “ Jeta e Re”. Ankuesi përmes ankesës së parashtruar nuk ka ofruar dëshmi të qarta dhe bindëse edhe pse barra e të provuarit bie mbi ankuesin në kuptim të nenit 117 par.3 të LZP-së. Andaj i ka propozuar PZAP-së që ankesën e lëvizjes Vetëvendosje ta refuzojë si të pabazuar.

PZAP-i, pas shqyrtimit paraprak të bazueshmerisë së ankesës dhe vlerësimit të pretendimeve ankimore si dhe provave materiale-fotografit, të bashkangjitura, që gjenden në shkresat e lëndës, në kuptim të nenin 117 par.2 dhe 3 të LZP-së, gjeti se:

Ankesa është e pabazuar

Nuk është kontestues fakti se përmes fotografisë së dërguar si provë vërehet posteri i kandidatës për deputete nga Aleanca për Ardhmërinë e Kosovës (AAK) Albena Reshitaj, i vendosur në rrugë.

Paneli vlerëson se në bazë të fotografisë së prezantuar si provë materiale, e cila gjendet në shkresat e lëndës, nuk mund të konstatohet qartë dhe bindshëm siç përcaktohet me nenin 117 par.3 të LZP-së, për të provuar se shkelësi i supozuar ka shkelur Kodin e Mirësjelljes, ashtu që në afërsi të Qendrës së Vitimit në një distancë më të afërt se 100 metra është i vendosur posteri i kandidatës për deputete nga subjekti politik Aleanca për Ardhmërinë e Kosovës (AAK) Albena Reshitaj.

Në fotografi shihet vetëm posteri ndërsa qendra e votimit nuk shihet, nuk ka mundësi nga një fotografi e tillë të identifikohet qendra e votimit, dhe si rrjedhojë në pamundësi të identifikimit të qendrës së votimit, është e pamundur të përcaktohet distanca e kërkuar me ligj.

Po ashtu nga fotoja e ofruar nuk mund të identifikohet në mënyrë të qartë dhe bindëse se është ndonjë objekt i përcaktuar për QV, dhe nëse e njëjta është duke u shfrytëzuar për të votuar si Qendër e Vitimit.

Andaj, nisur nga arsyet e theksuara më lartë nenin 117 dhe 118 par. 1 të LZP-së, paneli, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia
Anr.446/2021 më datën 15.02.2021

Kryesues i Panelit
Ferki Xhatën



Këshillë juridike: *Kundër këtij vendimi nuk është e lejuar ankesa konform nenit 118.4 të LZP-së.*